



*Cum beneficiorum in Scholam Thomanam
ab Amplissimo Ordine collatorum mentio
in hac ad illum epistola facta sit ; subiicere
hic placuit , quo ritu , qua formula ipsum
nouum aedificium Scholae inauguratum
& nobis dedicatumque sit ; quod institu-
tum non magis reprehendetur , spero ,
quam Terentio praefixa Doctorum Theo-
logiae renunciatio : nisi quod a Richardi
Bentleii ingenio profecta nusquam non
recte leguntur , nostra forte plane debe-
bant contineri.*



Fausus huic scholae dies hodiernus est,
& candidissima merito in fastis nostris
nota insigniendus: non solum quod
Bonifacii * memoriam reducit, viri sancti,
quo coetus atque conciones per Germaniam
nostram habente, pagana superstitione profligata,
& nomen certe Christi, cum Euangelii
qualicunque noticia, ad maiores nostros propaga-

* Acta res a. d. V. Iun. CIO IOCC X XXII.

pagatum est: non ob ipsam solum celebri-
tatem, cui eum destinauimus, quo maiorem,
sibi quidem propriam, non vidit, a quo tem-
pore schola Thomana esse coepit, verum hanc
in primis ob causam, quod exornat hanc
ipsam celebritatem summorum hominum
praesentia, quos tanquam fausta quaedam
nobis fidera, & certissima futurae felicitatis
auguria, laeti alacresque veneramur.

Saluete, Viri illustres & Magnifici,
Summe Reuerendi, Excellentissimi, Con-
sultissimi, Amplissimi & reliqui, suis
quisque nominibus & honoribus con-
decoratissimi &c.

Saluete, inquam, & saepe agite quod agi-
tis, nec dubitate, quin magna cum scholae &
reip. adeo utilitate studium vestrum coniun-
ctum sit futurum.

Postulabat quidem dignitas vestra, & ex-
quisitum de his etiam studiis, quae in schola
tractari debent, iudicium, vt boni oratores,
aut certe probabiles in concionem istam pro-
ducerentur. Sed speramus etiam ab aequi-
tate vestra, futurum, vt non quid debeat fie-
ri, sed quid possit, cogitetis; eo praesertim
tempore, cum paulo ante a nobis discesserunt
unus itemque alter, qui maturitatem qua-
lemcunque erant affecti, eaque plerorumque
qui dicent aetate, quae iam obduruisse ali-
quantum videtur ad ea, sine quibus nihil in
arte dicendi valde laudabile effici posse cer-
tum est, ne quid de me dicam, quem intem-
pestiua quaedam atque nimia verecundia, a
iuuen-

iuuentute inde debilitauit, & manum certe
intra togam sinumque continere coëgit. Cae-
terum dabitur opera a me & collegis, vt sub-
inde melior laetiorque rerum nostrarum, hac
etiam parte, facies, successum adspirante
Deo, efflorescat.

Iam audite quaeso, A. A. dicturos de huius
diei celebritate, hoc est de Ampl. Senatus
beneficio, iuuenes nostros, & ita audite, vt
aequitatem animi, humanitatem, beneuolen-
tiam, virtutes vestras, potius quam subtile iu-
dicium, in consilium adhibeatis. Proдите, o
nostri, & quas commendauit vobis virtutes,
modestiam cum alacritate, temperatam vere-
cundia fiduciam, splendidissimo auditorio
probate.

* * *

*Hic orationes aliquot habitae sunt a scholae
Thomanae alumniis, quibus beneficium
Amplissimi Ordinis, quantum fieri potuit,
ornaretur.*

* * *

Nunc vero est cum mihi dari velim diui-
nitus, non linguas quidem centum, aut ora
totidem, poetarum votum, quo non vehē-
menter opus est, (paucorum enim verbo-
rum res, sed momenti sane maximi, superest
peragenda) sed dari mihi velim diuinitus spi-
ritum eum, qui coelesti afflatus numine, non
modo animum linguamque regat, ne quod
verbum male ominatum, ne quod a tanta re
alienum, ne indignum tam splendido con-
fessu,

fessu, mihi excidat, verum qui vaticiniorum
etiam vim his, quae dicturus sum, tribuat.

Audi, Pater supreme, qui audis videsque
omnia, audi, & numen nutumque diuinum
his, quae dicentur, annue.

Audite viri illustri atque magnifica digni-
tate, excellentissimis meritis, venerabili aucto-
ritate conspicui, auctores huius muneris
amabiles, testes huius actionis atque pieta-
tis nostrae grauiissimi; audite iucundissimi hos-
pites, tu inprimis audi, cura nostra atque
amor, Thomana iuuentus.

Hanc domum, Deo bene iuuante, pacem
praestante ciuibus suis & incolumitatem Po-
tentissimo Poloniarum Rege, & Duce Electore
Saxoniae FRIDERICO AVGVSTO,
instaurauit, exaedificauit, ornauit, instruxit,
Amplissimus ciuitatis Lipsiensis Senatus, ut
hospitium praebet omni, quod futurum est,
aeuo, scholae bonarum literarum, artis mu-
sicae, & aliorum, quibus aegre humanior vita
caret, probitatis, sapientiae, pietatis, virtutis
omnis, felicitatis, magistrae: vt sit spiritus ipsius
sancti templum & sancta officina.

Hic perfugium honestae paupertati aperit
Amplissimus Ordo, si ea adiunctam sibi habeat
sororem Bonam Mentem, & discendi cupi-
ditatem. Hic ali iubet atque institui, qui
nunc sanctissimo beatarum mentium munere,
laudandi rerum omnium conditorem & paren-
tem, fungantur, & cantus suauitate animos
hominum ad diuinarum rerum meditationem
alliciant, qui deinde boni viri, & alteri secu-
lo profuturi euadant.

Hinc

Hic doceri vol
entia, hic dilia
Hic praecipi co
desse atque imp
valere iubet qua
ac rebus plus qua
est potius, quan

In hoc conu
corum, Salus,
colamus, mal

Hinc tu deo
Pater, tuo mun
nobis tuae in
eduo, FRID
inter nos ma
nissimae dor
tem, Ampli
conculsum a
bona in hac
tima.

Transactum
res, quod ag
Magnifice Co
Ordine, Viri

Hinc abesse iubet Patronus noster & arceri
pigritiam, rusticitatem, petulantiam, libidi-
nem, impietatem: hic tanquam in prytaeo
aliquo honorem haberi imperat diligentiae,
doctrinae, musicae arti, modestiae, frugali-
tati, pietati.

Hic doceri vult cum diligentia, fide, pati-
entia; hic disci cupide, assidue, fideliter.
Hic praecipi comiter ac seuerè, pareri mo-
deste atque impigre. Hic bona exempla plus
valere iubet quam praecepta ac leges; leges
ac verba plus quam poenas; hic caueri deli-
cta potius, quam puniri.

In hoc contubernio habitatum veni, Con-
cordia, Salus, Bone Euentus; lites, morbi,
calamitas, mala omnia, exeste.

Hanc tu dedicationis huius legem, Aeterne
Pater, tuo numine iube atque fanci, & clara
nobis tuae in nos propitiae voluntatis signa
edito, FRIDERICI AVGVSTI tuae
inter nos maiestatis vicarii, totiusque Sere-
nissimae domus regnatricis vitam & felicitatem,
Amplissimi Ordinis incolumitatem, in-
concussum ciuitatis statum, & eorum quae
bona in hac schola sunt, incrementa celer-
rime.



Transactum est, Patroni, Fautores, Hospi-
tes, quod agendum suscepimus. Ornastis,
Magnifice Consul, & caeteri ex Amplissimo
Ordine, Viri Clarissimi Excellentissimique,
orna-

ornastis munus vestrum, illudque honorificentissima nobis praesentia vestra commendastis egregie.

Si quid accedere poterat vestrae in hanc scholam liberalitati, ille profecto quasi cumulus additus est, quod in conspectu vestro declarare licuit, quantum debere illi videamur; quod inaugurationi huic atque dedicationi auctoritatem accommodare vestram, & non displicere vobis, quae in schola vestra agantur, luculento indicio significare voluistis. Nostrum est, quicumque in hac schola vel administri sumus beneficiorum vestrorum, vel participes, nihil facere reliqui, ut appareat, non apud ingratos perire vestra bene facta; verum illud quam potest enixissime a nobis agi, ut fructum aliquando vos vestrique liberi videatis vestrorum in hanc scholam meritum, profectos ex illa viros probitate & doctrina praestantes, crescentemque per illos, quam spectatis vniue, *publicam felicitatem!*

Vobis etiam, reliqui auditores, nominibus, muneribusque & meritis quisque suis ornatissimi, hospites iucundissimi, gratiae a nobis debentur maximae. Si non displicuimus omnino, scholae nostrae fauere pergite, eiusque fauoris castina luce, quotquot grauioribus non impedimini, significationem edite.



LECTO-